

倪雲林先生詩集

倪雲林先生詩集

四部叢刊初編集部

上海商務印書館縮印
秀水沈氏藏明天順本

雲林詩集前序

東吳當元季割據之時智者就其謀勇者效其力學者售其能惟恐玄或沒而有甘抱清貞絕俗之態率閼其用全其身而不能失其所守者非篤於自信不能也錫山倪雲林先生是焉先生諱瓚字元鎮雲林其自號也家故饒於資至先生始經財好學崇築清閼閼蓄古書畫於中人罕知其以愛寫山水竹石政詞稿皆極古意性甚狷介好繁絕類海岳翁然尤為自晦區有若愚騷言似畫弃其所蓄如糞

然卒之扁舟獨坐焚香弄翰以興漁夫壘壘泯泯於五湖三泖間又邈天隨子既而

大明花天六合一統庶今且百年矣彼之偉功藝於一時者馳電迅泯無聲泯之可尋而獨先生詩畫流落於人世雖片紙不意拱壁耽玩之際猶覺清風灑然使人為之興起嗟謂非篤於自信者能然乎先生之詩僅嘗見於題咏近得常之弟漢塞君朝陽彙釋五七言古律絕句總若干卷走書

京師俾予評之以傳予謂其清

新典雅迥無一玉差俗氣固已

類雪為人然真之陶常岑劉間

又孰古而孰今也耶大美玄酒

不和而自醇生絃疏越一唱而

三利有遠音者矣朝陽讀書好

義高先生之誼而重其才寶愛

是集欲傳之吾窮真可謂深知

夫詩而樂揚人之善者歟不然

則是編也其不至於湮沒無聞

者幾希故不辭而為之序

天順四年歲舍庚辰菊月既望

翰林侍讀學士奉直大夫直

文華殿雲間錢溥書



倪雲林先生詩集目錄

卷之一

四言古詩 五言古詩

卷之二

七言長詩

卷之三

五言律詩

卷之四

七言律詩

卷之五

五言絕句 六言絕句

卷之六

七言絕句



倪雲林先生詩集卷之一

荆溪 寒曦 朝陽 編集

四言

義興異夢篇

辛卯之歲寅月壬戌我寢未興戶闔于室爰夢異物
黯淡慘慄或禽而角或獸而獸夔夔駁駁奔豕形人立
往來離合飛搏跳擲紛攘千態怪技百出予茲泊然
抱冲守一廓如太虛雲歛無迹晨鷄既鳴冠櫛斯畢
步履而咏已化奚恤春風惟振亮月在席凋瘵何損
榮華匪益獨以圓悟境無順逆愚夫說夢轉墮迷惑
滔天下病者良極俟我大雄拯此羣溺

至正十年十月廿三日余以事來荆溪重居寺

主邀余寓其寺之東院凡四閱月待遇如一日

余將歸廼命大覺懺除垢業使悉清淨乃為寫

寺南山畫已因畫說偈

我行域中求理勝家遺其愛憎出乎內外去來佳止
夫豈有碍依素或宿御風亦邁雲行水流游戲自在
乃幻岩居現於室內照宵中山歷々不昧如波底月
光燭眊眊如鏡中燈是人非詒根塵未淨自相翳晦
耳目所移有若盲瞶心想之微纖六堤壞輾然一嘆

了此幻界

題畫上

義興之山維水洊載遊載咏操觚挾几聊樂一日百
歲奚俟

倪雲林先生詩集卷之一

荆溪塞 儀朝陽編集

五言古詩

春日雲林齋居

池泉春漲深逕苔夕陰滿詠咏紫霞篇馳情華陽館
晴嵐拂書幌飛花浮老盤階下松粉黃因問雲氣暖
石梁羅馬垂翳行踪斷非与世相違冥栖久忘返
次韻懷張外史

緬懷蕭閒館乃在華陽天燒香當陽谷濯纓向泉
真靈浮空至樓觀与雲連彈琴明月下飄舞胎仙
雨中寄孟集

英々西山雲翳終日雨清池散園文空林絕行屨
野性夙賦好懷誰共語燒香對長松相与成賓主
聽袁子方彈琴

蕙帳疑夕清高堂流月明芳琴發綺席列坐散煩纒
迴翔別鶴意縹緲孤鶩鳴一寫冰霜撫掩抑寄餘情
贈天寧福上人

荆溪霜落後銅官日出初自櫛頭上髮更理篋中書
上人從定起咏言方繞除邂逅發微咲幻身同太虛
十二月十七日過与之洛澗山居留宿忽大雪

作及明起視戶外岩岫如玉琢削竹樹壓倒逕
無行踪飄瞥竟日至暮未已雪深尺餘因賦詩
留別

世途紫荏苒歲晏不知歸密雪竹林夜挑灯共掩扉
蕭條塵慮淨詠咏玄言微遇此岩中賞心事悵多違
為方厓畫山就題

摩詰畫山時見山不見畫松雪自纏絡飛鳥亦閒眠
我初學揮染見物皆畫似郊行及城遊物々歸畫笥
為問方厓師孰假孰為真墨池挹涓滴寓我無邊春
奉謝張天民先生

鳴鴈將北歸裏回舊栖處江湖春水多欲去仍回顧
稻梁豈余謀繒繳非所慮猶為氣機使喧冷逐來去
察々天宇寬彼此同一寓風萍無定踪易散聊為最
君看網中魚在疾猶相煦

夜泊芙蓉洲走筆寄張鍊師

芙蓉猶滿渚疎桐已殞霜泊舟菰蒲中吳山隱微陽
因懷靜默士竹林閤玄房煮茗汲寒澗燒丹生夜光
憶与鄭荆輩閑咏步脩廊時子有所適顧瞻重尚羊
庭下生苔蘚牖間緒詩章奕勢鄭老勝酒榼郊生將
雅歌雜詠諧列坐飛羽觴子歸日已晚棗栗亦傾筐

揮手輒謝別暮宿荒城傍遲明趨兩期待子鄭公堂
晨往遂至昏企望徒傷之乃嗟仙真馭固非世所望
惻々理歸棹泛々秋浦長還尋甫里陸更醉山陰王
素冠斯馳贈喜知終未忘余茲將遠適旅泊猶彷徨
微風動虛碧初月照石梁曠望對清景賦詩托陳郎
茯苓思同煮夜雨共匡床

蕭閒道館聽東南宮彈琴是日風雨蕭然有感而作

玉琴轉清亮風雨更飄飄疎桐蔭高館朱槿耀芳條
生物曷可遏撫事發長譙弱齡陪清譙擲髮想垂髫
相見日以老離居夢且遙秋江渺雲水去鶴影搖々

送高太守之秦郵

秦漢置牧守猶古之侯伯封建而郡縣仁政固不易
漢宣知所本留意二千石慎哉高侯車願循古轍迹

蕭閒館夜坐

隱几忽不寐竹露下冷々青灯澹斜月薄惟張寒癭
躁煩息中動希靜無外聆窅然玄虛際詎知有身形

和答吳宣夫對雨見懷

浮雲變陰晦零雨隨風濤的皪集蓮池飄飄洒蘭皋
朱絲緩瑤瑟綠錢生寶刀撫事增慨慷端居倦遊遨

虞世每慚柳懷人徒詠陶脆質愛靈藥閒情宣弱豪
走筆次陶蓬韻送葉恭謀歸金華

手把玉芙蓉青天騎白龍出入人間世飛鴻踏雪踪
瑤草繁可拾羣峯森至立璧月挂天南離々星斗濕
君昔在山時玉韞山有輝因同白雲出更與白雲歸
白雲無定處豈只山中住河漢共縈紆經天復東注
金華牧羊人游戲不生嗔咲拂岩前石行看海底塵
手調白羽箭隨彼磨銅硯一語不投機歸故寧再見
士豈始隗乎全趙匪相如項王疑亞父竟尔龍為魚
擾々何時已百年聊寄耳良也報仇歸言逆赤松子
去山今幾年還山大學仙天台司馬宅雲氣近相連

双寺精舍新秋追和戎昱長安秋夕

秋暑晚差涼茗餘眠獨早清風振庭柯寒蛩吟露草
晨興面流水西望吳門道不知人事劇但見青山好
偶成

積而不為休蕭條使人愁哀吟四壁靜病卧百虫秋
開門望原野江湖湊交流誰能載美酒為我散煩憂

次韻曹都水

杜陵布衣翁許身稷禹行賦詩原正始感事多哀傷
煌々萬丈焰炭々數仞墻君能仰餘輝假日尚升堂

弛擔息荒途日莫將安之扶彈狂遊子聞鷄輕薄見
衆方巴人唱獨歌陽春詩天門何嚴邃綠窓隱采憲

贈錢鍊師

鍊師好神仙望拜金母臺壇上應玄運煌煌秀靈姿
天風流瓊響夕露調玉盃鳳栖池上竹雨添塔下苔
時見兩青鳥碧海傳書來感此忽自咲飄然遺氛埃

送甘允北上京師

翔鴻縱高姿流水去不息枉道別友生揚舲望京國
婉婁前途愁蕭條餘景匿神京衣冠會左右金陽宅
驅馬流星繁垂軒春霧集嘉子玉質朗早通金閨籍
行逢明主願入補詞臣職束帶向晨趨陪讌終日吳
芳年易為晚所願崇令德英、白雲飛渺、青山隔
秋風應節起万里思親客逢子返舊居銜盃數相覲

寄段吉甫

昔者段干木踰垣避其君冥翳岩穴間清風扇炎氛
德綿百世下吉甫賢且文神寓養奇采芳芷結幽芬
回視當世士鷄鶩正紛紜區、事夸效子獨介不羣
含瑟作而嘆此道誰淩云

送章鍊師并寄鄭有道

良觀忽云阻桐花今亦繁落日滿洲渚揚舲念孤騫

目懷息機叟蘊真從灌園晨掃石上雲佇子接清言

玄文館讀書

玄中真師在錫山東郭門立靜舍拂玄文館幽處
故朗可以閒屢至順壬申歲六月余處是兼旬謝
絕塵事游心澹泊清晨櫛沐竟遂終日与古書古
人相對形忘道接脩然自得也又西神山下有
好流水而味甚甘列与常水異館去西神山遠不出
五里故得朝夕取水以資茗薌之事居茲館讀書
研道之暇時飲水自樂焉乃賦詩曰

真館何沉、寔廓神明居陽庭肅宏敞丹林鬱蔚扶疎
瞻言茲遊息脫屣榮利區檐楹初日麗池臺涼雨餘
焚香破幽寐飲水聊舒徐潛心觀道妙詠咏古人書
懷澄神自怡意恆理無遺誰云黃唐遠泊然天地初
迴首撫八荒紛攘蚍蜉如願從消搖遊何許崐崙墟

述懷

讀書衡茅下秋深黃葉多原上見遠山被褐起行歌
休、墟里間農吏荷篠過華林散清月寒水澹無波
遐我栖遁情身外豈有它人生行樂耳富貴將如何

題驪山圖

校獵上林苑洗馬昆明池霜威肅笳鼓雲氣盛車旗

馬班陳賦咏衛霍綏蠻夷王風既未遠文明方在茲
逶迤霄漢上鳳凰尚來儀

蛛絲網落花

落花綴蛛網蜀錦一規紅既映綺疏外復照碧池中
含悽恋餘景散魄曳微風昔人間榮穢詎識本俱空
冬日窓上水影

日池浮湛澹霞牖上縈迴數腹三素雲照耀青蓮臺
高流輝自下含漪歛後開尸坐以默觀靜極自春回

雪泉為王光大賦

高齋面絕壁林密迢難尋風落松上雪零亂幽澗陰
皓潔映鶴氅清圓和瑤琴閑咏以自樂聊用忘華簪
丙子歲十月八日夜泊閭門將還溪上有懷友

仁陸徵君

明發辭吳會移舟夜淹泊空宇垂繁星微雲暝前郭
沉沉抱冲素悄々傷離索歸掃松迢苦遲君踐幽約
聽素負外彈琴一首有引

至正四年十一月素負外來林下為留蕪甸臘月
十七日快雪初霽庭無來迹与僕靜坐回耳琴鼓
之古音蕭寥如茂松之勁風春聲之流水自外時
年八十有二顏貌筋力未如四五十許人為言甫

弱冠遭逢盛明初宰當塗過九華山道逢神人以
棗食之後數々見夢寐間若冥感玄遇者負外韜
韜蘊真任祿以自給不為人所知豈郭恕先之流
坎為賦五言一首

郎官調綠綺谷雪賞初晴兩忘絃与手流泉松吹聲
問言踰八十二嘗見河清挂帆望九華神人歛相迎
笑以海上棗歡愛若平生玄遇寧復得惜哉遺姓名

早春對雨寄懷張外史

林卧苦泥雨憂來不可絕撤帷望天際春風吹木末
飛蘿散成霧細草綠如髮念子獨高世南山脩隱訣
撫弄無絃琴招邀青天月神安形不凋跡高行自絮
思之不可見飢渴何由歇願為鴈鵲翔南遊拂松雪

懷寄強行之常州學官

君在西溪上年々楊柳春提壺坐柳下邀我見情真
青葉已垂帶白花還覆蘋別來今見柳思尔采芳芹

三月六日同李徵士遊禪悅僧舍礼上人出柯
博士所賦詩以示僕而博士君歿已二年展誦
為之悽斷因吹第其韻于後

佛生七佛後乃知青出藍寒月留孤光世人徒指談
嗟余墮狙狽朝暮逐四三悲嘆明鏡塵何由息禪龕

戊寅十二月丹丘柯博士過林下賦詩次韻酬
卷

積雪被長坂卧病守中山山川雖云阻舟楫肯見尋
傾蓋何必舊相知亦已深驚風飄枯條清池冒重陰
聯翩雙黃鵠飛鳴綠水潯願望思鬱紆徘徊發悲吟
願言齊羽狀金石固其心歡樂何由替黃髮期滿簪

已卯正月十八日与中屠彦德遊虎丘得客字

余適偶入城本是山中客舟經二王宅吊古覽陳迹
松陰始亭午嵐氣忽歛夕欲去仍徘徊題詩滿蒼石

古詩二首奉送友人賢良之京師

春風吹蘭蓓佳人將遠遊々々何當還神京鬱鬱浮
膝言美邁志飛轡不可留宜無金閨考与子結綢繆

河山風氣雄江水日夜流遙瞻雲中鴈庶以慰離憂
吳山朝靄外閭門春雨餘忽忽孤帆遠天末浮雲舒

君今北闕遊我栖南山盧荷鋤事耕作閉戶詠詩書
高林鳴禽曙青苔行迹跡還期茅簷下一枉故人車

江陰袁仲微作軒名篋林日夕嘯咏其下至正
十二年二月廿四日訪余南蘭陵寓舍徵僕賦

詩遂走筆成書不能尽道軒中清事也

風生箕萑谷雲迷渭水原蕭々春雨後翳々清陰繁

憶昔文使君燒筍具盤飧彭城詩適至大笑飯為噴
風流成異代寂寞今誰論夫君暨陽隱字徵其姓索
二仲接俸遊子猷時到門冠同薩縣製坐對宣城尊
翠羽共栖託鳳雛亦孤鶩載誦偃竹記忽若聞清言
邈哉古人跡尚友不可諉

杜真人聽松軒

計籌白石頂聞有丹丘生和王飲晨露褰林食絳英
止鶴眠松警螢火照書明為善得仙道儵然不近名

擬陰常侍一首奉寄刘秘監趙貞外

幽并游俠地都城百雉連河漢瞻疑近雲鳬信是仙
棲丹霞欲曙花將月共妍摘豪傾藻思獻賦足為傳
還知跨烏鵲夜宿綵雲邊

玉壺中插瑞香水仙梅花戲咏一首

寒梅標素艷幽卉弄妍姿團々紫綺樹共耀青陽時
折英欲遺遠但恐傷華滋置之玉壺水芳馨消歇遲

秋夜賦

清漏下數刻踈鍾仍獨聞零露漙夕影端居澄俗氛
恬淡斯寡欲榮名非所欣樂矣咏王風忘年栖白雲

述懷

嗟余幼失怙教養自大兄厲志務為學守義思居貞

開戶讀書史出門求文生放筆作詞賦覽時多論評
白服視俗物清言屈時英貴當鳥之道而思垂令名
大兄忽捐館母氏繼淪傾慟哭肺肝裂練祥寒暑并
釣耕奉生母公私日侵凌毘冠二十載人事浩縱橫
輸租膏月血盡役官憂病嬰毘勉事污俗紛攘心獨驚
聲折拜更戴星候公庭昔日春草輝今如雪中雨
寧不思引去緬焉起深情寔恐貽親憂夫何遠道行
遺業忍即弃吞舌還力耕非為饑蟻計興已浮滄溟
雲龍蛇噬不復辨渭涇遶々岩澗阿靈芝輝紫莖
有志而弗遂悲歌歲崢嶸治長在縲縲仲尼猶亟稱
愁康肆宏放刑慘固其徵被禍以懷王天爵非外榮
賤辱行豈玷表襮徒自矜蘭生蕭艾中未嘗損芳馨

泊舟一首

泊舟嘉樹下開牖碧江潏慨然念黃落景憇惜清陰
多暇觀魚鳥容与一登臨脫迹塵喧久欲寥天機深

贈王光太

春服始輕體嘉樹欲垂陰夫樹結秀色江流涵碧深
晴絲正高下好鳥亦嚶吟豈無伐木詩怡此風雪心

次韻答支生

慶世若過客鴟行行道孤願友吉德士邈焉如鳳雛

人而無恒心未易為醫巫往者不可作玉匣埋珠襦
枳棘何榛々上有鴟梟呼維桐鷲栖止來匪應時需
卓犖千里馬壯氣塞九衢驚駘宜其偶齟齬當鹽車
龍可豢而致魚鮪固充廚未聞商山公羽妻屢稅以租
俗人難与言長吟野知澗青松在澗壑坐閱霜柳枯
所嗟鄭亂雅淩惡紫奪朱至道安可言多金豈微符
忽為璧璫者憔悴悲路隅策瓢咏王風耿々心動劬

次韻姑蘇錢塘懷古

西子承吳寵餘踪見古臺空遺昔時月無復昔人來
臺邊越兵路幾見起兵埃

釀酒劍池水玉壺清若無揮盃送落月山鬼共歌呼

松間灯如漆白骨漫寒蕪

耕鑿古隄穿乃吳桓王墓金鷹隨冷風黃腸畢呈露

悲歌異今昔踟躕緩歸步

仙人悲世換宴景在清都寒暑自來往英雄生釣屠

錢唐江畔柳風雨夜啼烏

江山國破後弔古一經行輦路苔花碧御溝菰葉生

古跡今寧有新城江上橫

南山靈石澗翠壁掩松閑張君已厭世乘鶴遂不還

羅磴餘幽燭今復誰躋攀

贈惟寅

隱几方熟睡故人來扣扉一嘆無言說清坐澹忘機
水上松蘿雨袖中南澗薇知尔山中來山中無是非
三十不要妻四十不出仕消搖岩岫間翳名以自肆
何曾問理亂豈復陳美刺高懷如漢陰終老無機事

送惟寅

春江烟靄綠遠樹明清旭歸鴈影斜鳴聲斷復續
陳君挂帆去偕与鴈相逐水際白雲度山中甘雨足
安得沒耦耕柴門藝松蒿去且入減懷抱向誰傾
姚公有古道虛夷多遠情俾尔遂高隱狂歌樂幽貞

貞松白雪軒分韻賦

至正二十三年正月廿日白吳倪瓚与某其會於
貞松白雪軒其地林石奇勝窓牖明潔軒中主人
又好文尚古有文武林款坐設酒饌相与嘯咏以
小謝雲中辨江樹分韻各賦瓚得辨字

境靜塵慮清雨餘山光變池館閑虛閣琴酌中縫綵
蔚哉春木榮想我飛翮倦石間有題字苔蝕已難辨

對春樹

端憂對春樹影落身上衣美人手所成綉綉願無違
步庭悲往躅瞻景惜餘暉芳襟沾雨露濕蘭珮委風微

凝思自的々染澤尚依々晨鷄催夢短夜鵲逐魂飛
歡愛自茲畢憔悴損容輝

送致用游閩

韓衆禹穴來語我長生訣偶坐聽春雨止即言別
乃知茅君山貞居相往還山經許寄我依々師友間
貞居登真久識子十年後掣箱出遺文猶作蛟鼉吼
子去遊七閩漁浦桃花春白鷗飛送尔停桹採綠蘋
慢亭幾日到言咲邈無日憑將棹歌去歌向武夷君

送馬生

送子淮南行繫舟江岸柳翠影舞晴烟落我盃中酒
李盃向落日春水浮天碧時見白鷗飛雪光翻綺席
應咲披羊裘獨釣江邊石

寄楊廉夫

吳松江水春汀洲多綠蘋彈琴吹鉄篴中有古衣巾
我欲載美酒長歌東問津漁舟狎鷗鳥花下訪秦人

寄李隱者

南汀新月色照見水中蘋便欲乘清影緣源訪隱淪
君住鈿山湖綠酒松花春夢披寒雪去疑是剡溪濱

寄蕭介石

江上雨雲歇夕陽歌吹蒙朱絃彈綠綺令我憶韓衆

魚戲弱藻下鳥飛明鏡中夢乘清浦月直過雲溪東
次韻呈張德常

陶公興寓酒杜老愁亦酌豪傑千載入處世何磊落
吐詞蔚忠義安貧務簡約嗟我窮腐鳥選笑鳴皋鶴
朱火

朱火日方永涼風拂琴絲麋鹿遊臺苑燕雀悲火惟
蕩然京輔地無渡漢官儀衆芳日蕪穢陰凝方自茲
黃本中書齋為寓寄傲寔圖

庭樹綠交蔭時鳥語清綿春竹羅逕筍夏花敷治道
慨然三季後契彼羲農前古井汲脩綆空齋絃素絃
長歌歸去來悟悅陶公賢終尋桃花庵息景窮幽玄
為徐有常登葉湖別墅

葉湖水淪連松陵在其西望見吳門山波上翠眉低
白蘋晚風起寒烟遠樹齊水蕉籠筆格露柳罩金堤
居貞寧汲旅泊自栖屏處觀魚鳥風雨夜鳥啼
寄穹隆主者

山雲淡縱橫幽鳥攷上下寂寥非世欣自足怡靜者
平生閒遊趣屋壁何夢晝還期煮茯苓地炉同夜話
題原道西溪草堂

春水孤村迥荆溪晝畫西晚日鳴榔起山雨竹雞啼

櫻桃花已落蘼蕪綠未齊酒船尋賀監早晚到幽栖
煮石山房

汲澗煮白石雲栖南澗隈敲石發新火荆薪藉餘灰
坐候升降理靜觀寒煥嫌遂忘石鼎沸乍疑山雨來
丹成同此術鶴化詎能猜我亦食金液清淺嘆蓬萊
畫竹贈以中

吾友張以中少年如老翁因過脩竹裏邀我碧岩東
琥珀松醪醲玻璃瑋茗碗紅子端今已矣千載事同風
題墨竹送顧克善府判之高郵

高郵古淮甸世產不乏賢顧君性佐郡才華當妙年
歌詩隱金石八音以相宣侈我錦囊句雅甚朱絲絃
而此艱虞際撫事一愴然飢者易為食君能念顛連
何以贈子行墨君霜節堅

入郭

我初來城郭新綠餘舊薇今我既出郭秋蓮落紅衣
郊居豈為是市隱勿云非去々將何從西山行路微
塵至李昆海游潛四月餘賦歸亦無家塊處蝸牛廬
身世一逆旅成虧紛疾徐反身內自觀此心同太虛
聽錢文則彈琴

牛鳥野郭中雞登山木上黃鐘雜姑洗春容以清亮

別鵲暮鳴飛流水春演漾愛尔絃手忘令我形神暢
憶昔擅能事宋素余所尚錢君生後超軼絕塵軼
操琴晚聞道月斧揮天匠杳如清廟瑟朱絃聽歎唱
古道久寂寂古音亦淪喪促軫淚沾纓歌詩重悲悵
題畫贈岳道士

義興岳道士野鶴如長身我知弥明徒不是侯喜倫
結喉吟有律缺春霜髯新手中石碁子頭上漉酒巾
久居雜墨山自謂無懷民喪乱不經意松陵留十旬
香雲作輿衛長松為主賓既滋數畦菊復種二畝芹
樂哉以忘死道富寧憂貧為我具舟楫相期桃花春

贈王仲和

荒城夜風雨草木曉離披桂枝迢虛牖苔文滋硯池弄
翰聊寄逸永日以自怡且盡一日樂明朝非所知

訓張德機見贈

嘉藻狂我前令人意也消展詠當前除清陰起涼颺
出何去岩穴隱何逃市朝仙師赤城霞旦々存神標

贈張士行

雲門有逸客非仕亦非隱玉井千尺泉此士難汲引
結交雲林吏不顧俗嘲哂我拙唯任真子德常戒謹
相知既有素力學仰顏閔久別見顏色英姿固天京示

欲疎不能忘欲褻不可近

贈友生

春林積雨晴江渚烟波綠谷鳥語綿蠻澗泉聲斷續
蘿逕無來踪空山聞伐木時援清琴坐還同白雲宿

九日過考行用韻一首

蕩舟烟景晚舉盃當素秋黃花忽在眼白髮乃滿頭
臨流發悲嘆援琴歌楚調羅席更淹留明月波間照
何事鹿皮翁逃名隱屠釣

又賦

九日喜初晴登高向何處山色見微茫波光淡容与
鼓枻逐輕鷗看雲覓新句適值無懷民相對澄神慮

登竹贈徐李明

梓樹陰當戶時聞好鳥鳴獨携一壺酒展席坐前楹
招邀白鶴侶吹弄紫鳶笙香々日景晚紛紛飛絮輕
風翻竹影亂明月已東生

對酒

題詩石壁上把酒長松間遠水白雲度晴天孤鶴還
虛亭睜苦竹聊此息躊躇坐久日已夕春鳥聲闌々

贈野處民

水聲轉屋西山翠浮屋東床前蒼滋雨門外松吟風

怡然無外慮心廣神為充曲肱以飲水至樂在其中
擊壤歌往古寧知事王公

龍門茶屋圖

龍門秋月影茶屋白雲泉不與世人賞瑤草自年々
上有天池水松風舞淪連何當驅飛鳥去采池中蓮

靈鶴辭

陶公職仙署子良亦冥通所脩楊許業存思在祝融
周卿宅丹元未徹仰仙宗神明接祈禱虛夷恒恪恭
飛霞煥玉檢流響徹金宮白鶴翔香烟倦々載冷風
舞影綠雲上命侶青田中晨去瑤草春莫歸海塵濛
真靈忽降室羽車儼浮空步虛酌明水逶迤清夜終

畫贈呂志學

江雲昏絕巘汀樹斜陽獨立霜柳下渺然懷故鄉
歸來茅屋底篝燈寫微茫

書竹贈志學

綠竹飽霜雪歲寒無在容風至天然笑淩愛夏陰濃
寒暑不能移德比栢与松豈若桃李榮春花但丰茸

卷張鍊師

安居已度夏卧病乃經秋朝菌悲影短風萍歎波浮
寸田勤自治德宅可歸休慎勿与時競心境似虛舟

盛竹寄友人

先春競桃李凌陽歎蒲柳謝君靜者徒種竹安所守
亭々清淨心鬱々霜雪後賦詩寄遠懷此君真可友

陸德中祈雨有感

辟穀清虛久晨窓冷絳霞濯神咸池水宴景丹元家
憂國悲民瘼旱郊起雷車枯魚出涸轍槁苗生稻花
我任清江渚種芹遠江沙忽乘蓮葉舟贈我仙掌茶
擬訪安期生為覓棗如瓜

卧病

早憂命觴竿暴下忽經旬止酒卻腥腐端居謝喧塵
麈尾除內滯清虛以怡神江雲載飛雨飄々洒永巾
矯首詠玄虛精思候仙真道園遊活淡心兵息狂狷
冷然風濤靜數椀銀河津戒我貪饕餮子病源果何因

次韻全希言

卧病久不憚微瘳起行吟逕苦無來述出門江水深
懷我平生友金蘭契同心欲共一尊酒道遠力不任
有客闌我戶晤言樂中林飄蕭綠髮仙亦見雪滿簪
耳琴与子彈悠々山水音能成伐木詩歌以慰所欽

次韻張伯琦

長嘆悲人寒彈琴想天際夏殷禮相因孰謂周可紓

大道久榛蕪高才日凌替遺書歎不泯棲受豈有二
鄧孟道性善宅路喻仁義後生事言說慨彼涕沾袂
允矣二三子仰鑽互立志松栢受命獨歲寒鬱蒼翠
誰欬無規作夙駕尋吾契

酬友生

擁褐南榮下晨暉煖似春忽思王子晉醉看白綸巾
游宴無冬夏清狂忘主賓能持麋鹿脯寄与不羈人

贈陸有恒

學行美德業孝弟為本根朝益以暮習夏清而冬溫
無逸勤稼穡乾蠱持戶門勿為習俗流必念古義敦
謹身尚節儉泛善振蘭蓀堯舜雖有子朱均乃淫昏
瞽鯀何頑凶子也大聖尊蓮固生汙泥木可為犧樽
簡編蟲蟬出各有至理存惟人異禽獸暴弃湮其源
惟學必由本根深見枝蕃于何繡轡悅外飾奚足論
安宅王路間尔居行尔轅斯道迤且易至樂不可諉

尋友人不遇

洲渚多落英汴流尋遠山輕舟載美酒搖蕩綠波間
俯詠拾瑤草遐思隘塵寰緣忽失遇悵望遂空還

啄木

何處啄木鳥飛止于喬林微形亦以勞終日聞其音

所願木向茂不使蟲日侵吁嗟人之徒曾不如鳥心
次張仲率韻

秧疇時已遍午饑休中林忽聞輶車至攬衣欣慨深
遂尋脩竹下共憩西澗陰汲泉以煮茗遐哉遺世心

薛常州讓田詩

廼陵古吳地泰伯有遺風仁讓自家國士民知孝忠
春暉草心碧日暮荆花紅為感使君改嗟時誰与同

贈友

父子相師友周南義理門阿翁如玉潔賢嗣似春溫
舍後自生笋堂陰亦樹萱西山近在望靜默以忘言

潘公鳴皋軒

白鶴巢灵質翩翾有奇姿海月比高潔岩雲共逶迤
池上菖蒲花春烟紫綵飛鳴聊飲啄乘風來下之
我登鳴皋軒遂賦鳴皋詩安得赤玉鳥鶴上吹笙差

西老圖

吊古歎流俗高人陳太丘開窓玩蘭雪邀我登瀛洲
池上賦清林間遠遊悠然遂永日下榻更淹留

為張來儀賦匡山讀書處

廬山鬱岩峩上有香炉峯影落碧天外翠玉琢芙蓉
牽蘿讀書處雲磴無行踪猶遺石岩苔花開紫茸茸